

Ukoliko počne goriti ...

SPAŠAVATI



Prije svega trebate spasiti sebe i svoju porodicu od požara. Ukoliko se soba napuni dimom – puzite ispod dima. Često na podu ima svežeg vazduha. Zatvorite vrata od prostorije gdje gori. Nemojte nikad koristiti lift ako morate izaći iz zgrade prilikom požara. Ukoliko bi se stubište zbog požara napunilo dimom, naprimjer u podrumu/prostoriji za smeće, trebate ostati u stanu sve dok služba za spašavanje ne ugasi požar ili obavijesti o drugačijem postupku.

UPOZORITI



Upozorite druge u vašoj blizini kako bi se i oni sklonili na sigurno mjesto. Pokušajte se ponašati mirno. Imajte na umu da se događa da se djeca sakriju ispod kreveta ili u ormar.

ALARMIRATI



Kad se vi i vaša porodica nalazite na sigurnom mjestu, trebate alarmirati tako što ćete aktivirati alarm (ukoliko postoji) ili nazvati alarmni broj 112. Brzo obavijestite operatora o tome što se dogodilo, odakle se javljate i ko ste.

UGASITI



Tek zatim možete pokušati sami ugaziti požar, ali se ne izlažite nepotrebnim rizicima! Štrcajte na žar a ne na plamen. Nikad ne štrcajte na ili okolo električnih vodova. Ukoliko gori u šerpi, ugazite vatru poklopcem, nemojte nikad posipati vodom! Ukoliko gori u televizoru, izvucite kontakt i pospite vodom.

080911

RÄDDNINGSTJÄNSTEN
Glansgatan 7, 551 89 Jönköping
raddning@jonkoping.se
Tfn 036-10 70 00, Fax diariet 036-71 29 44

 JÖNKÖPINGS
KOMMUN

Protivpožarna zaštita – u stanu



JÖNKÖPINGS
KOMMUN
Räddningstjänsten

Povećajte sigurnost za vas i vaše susjede

Svake se godine desi otprilike 400 požara u stanovima na području Službe za spašavanje Velegeteborga. Slijedite ovu ček-listu i prokontrolirajte protivpožarnu zaštitu u vašem domu. Ukoliko imate neka pitanja u vezi protivpožarne zaštite, izvolite kontaktirati službu za spašavanje na telefon 031-335 26 00.

Sprečiti požar

- Držite šibice i upaljače izvan domaka djece.
- Nikad ne ostavljajte uključenu veš-mašinu, mašinu za sušenje rublja, mašinu za pranje suđa i slično kad niste kod kuće ili kad idete na spavanje.
- Mast i ulje mogu se zapaliti pri visokoj temperaturi. Kad nešto pržite ili pohujete trebate imati poklopac na domaku radi gašenja vatre.
- Zagorjela hrana i suvo kuvanje su česti uzroci požara. Redovno čistite filter od ventilatora iznad šporeta od masti.
- Nikad ne ostavljate upaljene svijeće izvan opreznosti i ne zaboravite da ih ugasite. Nikad ne ukrašavajte sviječnjake lako zapaljivim materijalom, naprimjer manžetnama od tkanine, mahovine ili sličnog.
- Ne držite stvari koje se mogu zapaliti na vašem balkonu ili terasi s obzirom da postoji opasnost od podmetnutih požara i pogriješno usmjerenih vatrometa.
- Ne upotrebljavajte električne uređaje s oštećenim kablovima ili utikačima.

Planirajte svoje spašavanje

- Organi uprave zahtijevaju da je vaš stan opremljen s bar jednim požarnim alarmom. Promijenite bateriju dok nije prekasno!
- Preporučuje se također da u stanu imate i opremu za gašenje požara u obliku aparata za gašenje požara praškom kapaciteta od 6 kg praška.
- Pričajte o tome kako ćete izaći iz kuće ukoliko izbije požar u vašem domu.
- Ne držite stvari u stubištima i po hodnicima. Imajte u vidu da je to vaš nužni izlaz ukoliko bi se nešto dogodilo.

Protivpožarna zaštita



Požarni alarm

Požarni alarm

Pomoću požarnog alarma, "brandvarnare", veće su vam šanse da izađete ukoliko bi izbijo požar u stanu. Požarni alarm mora biti postavljen na plafonu izvan spavaće sobe. Vi ste odgovorni da baterija u požarnom alarmu radi. Nema li požarnog alarma u vašem stanu? Kontaktirajte službu za rad sa strankama/domaćina zgrade/domara/pazikuću/nastojnika bloka kako bi vam bio postavljen alarm.

Ovako ćete testirati požarni alarm

Testirajte tako što ćete pritisnuti dugme koje postoje na svim požarnim alarmima. Držite dugme pritisnuto par sekundi. Ukoliko alarm ne zapišti možete ponovo testirati s novom baterijom. Testirajte požarni alarm redovno, naprimjer kad se vratite s puta kao i na prvi Advent. Ne zaboravite ga povremeno usisavati.



Ručni aparat za gašenje požara

Ručni aparat za gašenje požara

Preporuka službe za spašavanje je da se u stanu ima najmanje jedan aparat za gašenje požara praškom kapaciteta od 6 kg praška. Ljetnikovac se također računa kao stan. Za automobil, autokućicu, kamp-prikolicu, brod i slično preporučuje se aparat za gašenje požara praškom kapaciteta od 2 kg praška. Ručni aparati za gašenje požara se mogu kupiti u većim trgovačkim centrima ili robnim kućama građevinskog materijala.



Deka za gašenje požara

Deka za gašenje požara

Dobro je kod kuće imate deku za gašenje požara. Ista se može upotrijebiti za gašenje vatre na odjeći ili za gašenje manjih požara.



Tajmer

Lako je zaboraviti isključiti šporet a mnogi požari tako i izbijaju. Ne stavljajte nikakve stvari na šporet i nek vam pređe u naviku da provjeravate da li je šporet isključen. Možete priključiti tajmer i na električne aparate, u tom slučaju će se struja automatski isključiti poslije određenog vremena ukoliko bi zaboravili da isključite aparat. Ukoliko imate neka pitanja, javite se službi za spašavanje.

Ovako se koristi ručni aparat za gašenje požara:



1. Istrgnite osigurač



2. Usmjerite aparat prema vatri

Niski položaj prema vatri



3. Pritisnite ručku